



COMUNU DE QUARTU S. ALENI

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

## EX MONTI GRANÀTICU

Est un' edifitziu de valori culturali mannu, siat po s' importàntzia simbòlica e finas po su cunsideru chi minescit, siat po cumenti s' est mudau in sa stòria, de s'istitutzioni cosa sua fintzas a is tempus nostus. Sa fundatzioni est de su 1723, candu sa bidda teniat prus pagu de 2500 abitantis e su nòmini suu fiat a sa spanniola: Quarte.

Su Monti Granàticu assimbillat a una banca, innui s' imprestat trigu a is messajus chi ndi teniant abisòngiu, chi apustis de s' arregorta ddu depiant torrai cun su 5 po centu in prus.

Cunsiderendi is cunditionis econòmicas malas de parti manna de sa populatzioni, in is annus de carestia podiat finas acuntessi chi no nci fiat sa possibilidadi de torrai su trigu.

A pustis de s' Unidadi de Itàlia a bellu a bellu su Monti Granàticu perdit importàntzia, ca bessint leis noas chi ddu mudant in Monti de Sucursu.